

展喜犒师 僖公二十六年

左 传

齐孝公伐我北鄙。公使展喜犒_{考去声}师。

展喜、鲁大夫展禽之弟。犒、劳也。○人来伐我、却往迎劳之、便妙。

使受命于展禽。

受命、受犒师之辞命也。展禽、即柳下惠、名获、字禽。食采于柳邑、谥曰惠。

齐侯未入竟、

同境。

展喜从之。

伏后乃还二字、妙。

曰、寡君闻君亲

举玉趾、将辱于敝邑、使下臣犒执事。

不敢斥尊、托言来犒执事之臣。○辞令婉转。

齐侯曰、鲁人恐乎。

对曰、小人恐矣、君子则否。

小人君子、以无识有识言。○说恐不得、说不恐又不得、分作君子小人说、奇妙。

齐侯曰、室如县_{同悬}罄、

野无青草、何恃而不恐。

县、系也。罄、国语作磬。谓府藏空虚、如悬磬然。青草、蔬食也。时夏四月、今之二月、百物未成。故言在内而府藏空虚、在野而蔬食不备、鲁之所恃者何在、而不恐乎。对

曰、恃先王之命。

先王、成王也。○一句喝出、辞气正大。

昔周公、

鲁祖。

大泰、公、

齐祖。

股肱周室、夹辅成

王。成王劳_{去声}之、

提出二国之祖、转到王命。论有根据。

而赐之盟。

提出二国之祖、转到王命。论有根据。

曰、世世子孙、无相害也。

此句是先王之命。

载

在盟府、太师职之。

太师、司盟之官。职、主也。加此二句、见王命凛凛至今。

桓公是以纠合诸侯、而谋其不协。

弥缝其阙、而匡救其灾。昭旧职也。

阙、失也。灾、难也。弥缝匡救、所以谋其不协。若此者、盖欲昭明太公夹辅之旧职也。○是以字、紧承上王命来。三其字、皆指鲁而言。

及君即位。

先之以桓公、疾接及君即位、妙。

诸侯之望曰、其率桓之功。

诸侯之望君、咸曰、其能率循桓公、弥缝匡救之功。○不独写鲁、通写诸侯、妙。

我

敝邑用不敢保聚。曰岂其嗣世九年、而弃命废职、其若先君何。

我敝邑用是不敢聚众保守。咸曰、岂

其嗣桓公世方及九年、而遽弃王命、废旧职、其若先君太公、桓公何。○二十

五字、作一气读。曰者、心口相商之词。盖用反语收上王命旧职二层、宕逸。

正转一句、

恃此以不恐。

直收到君子则否句。○三恃字、呼应。

齐侯乃还。

齐侯更不下一语、妙。

篇首受命于展禽一语、包括到底。盖展喜应对之词、虽取给于临时、而其援王命、称祖宗大旨、总是受命于展禽者。大义凛然之中、亦复委婉动听。齐侯无从措口、乘兴而来、败兴而返。所谓子猷山阴之棹、何必见戴也。真奇妙之文。